

Na osnovu člana 121. stav (2) i člana 176. stav 1) Zakona o visokom obrazovanju („Službene novine Kantona Sarajevo“ broj: 36/22), člana 96. stav e) Zakona o visokom obrazovanju („Službene novine Kantona Sarajevo“ broj: 33/17, 35/20, 40/20) i člana 233. Statuta Univerziteta u Sarajevu, Odluke Univerziteta u Sarajevu - Fakulteta za saobraćaj i komunikacije broj: 01-3394/25 od 22.12.2025. godine i Odluke Senata Univerziteta u Sarajevu broj: 01-4-6/26 od 28.01.2026. godine, raspisuje se

K O N K U R S

- za izbor u naučno-nastavno zvanje: vanredni profesor/napredovanje, za naučnu oblast *Komunikacijske tehnologije -I izvršilac, puno radno vrijeme*

Uslovi: Pored opštih zakonskih uslova, potrebno je da kandidat ispunjava uslove utvrđene članom 96. stav e) Zakona o visokom obrazovanju Kantona Sarajevo ("Službene novine Kantona Sarajevo" broj 33/17, 35/20, 40/20) i članom 226. Statuta Univerziteta u Sarajevu.

Uslovi koje kandidat treba da ispunjava su:

Vanredni profesor: proveden najmanje jedan izborni period u zvanju docenta, najmanje pet naučnih radova objavljenih u priznatim publikacijama koje se nalaze u relevantnim naučnim bazama podataka, objavljena knjiga, originalni stručni uspjeh kao što je projekt, patent ili originalni metod, te uspješno mentorstvo najmanje jednog kandidata za stepen drugog ciklusa/integriranog studija.

Uz prijavu na konkurs, kandidati za izbor u naučno-nastavno zvanje Vanredni profesor, obavezno prilažu:

- biografiju i spisak objavljenih radova, projekata;
- objavljene naučne i stručne radove (sa dokazom o objavljivanju/ispisom iz baze, sa pregledom časopisa i zbornika u kojima su objavljeni) i doprinos;
- dokaz o provedenom izboru u zvanju docenta;
- diplomu matičnog fakulteta o završenom dodiplomskom i magistarskom studiju, te diplomu o stečenom naučnom stepenu doktora nauka u odgovarajućoj oblasti;
- lista objavljenih knjiga, udžbenika i naučnih radova kao i same knjige i radove u originalu ili elektronskoj formi;
- podatke o nagradama i priznanjima u vezi sa odgovarajućom naučnom oblasti, ako ih posjeduje;
- dokaz o uspješno obavljenom mentorstvu kod izbora u odgovarajuće akademsko zvanje;
- ostalu dokumentaciju kojom kandidat dokazuje da ispunjava uvjete za izbor u odgovarajuće zvanje;

Napomena:

- Navedena dokumentacija se dostavlja u originalnu ili ovjerenu kopiju.
- Kandidati koji su diplome stekli u inostranstvu prilažu rješenje o nostrifikaciji diplome, odnosno rješenje o priznavanju stečene inostrane visokoškolske kvalifikacije ili potvrdu da je pomenuti postupak pokrenut.
- Potrebno je da kandidat u prijavi naznači naučno nastavno zvanje za koje se prijavljuje.
- U prijavi je obavezno navesti priloženu dokumentaciju. Svi listovi prijave, kao i priložena dokumentacija, trebaju biti parafirani od strane kandidata.
- Prijava kandidata za određeno naučno-nastavno zvanje treba da sadrži najmanje dokumentaciju kojom se dokazuje ispunjavanje uvjeta za izbor u zvanje za koje je konkurisao.
- Prijave se dostavljaju u pisanoj i (po mogućnosti) elektronskoj formi (na CD-u). Biografiju i spisak objavljenih radova, projekata, patenta ili originalnih metoda je potrebno dostaviti i u elektronskoj formi (na CD-u).

Konkurs ostaje otvoren 15 dana od dana objavljivanja.

Prijave sa dokazima o ispunjavanju uvjeta predviđenih konkursom podnose se lično ili putem preporučene pošte na adresu: **UNIVERZITET U SARAJEVU, FAKULTET ZA SAOBRAĆAJ I KOMUNIKACIJE, Zmaja od Bosne 8 (Kampus Univerziteta u Sarajevu), 71 000 Sarajevo, sa naznakom "Prijava na konkurs za izbor akademskog osoblja, sa naznakom odsjeka i naučne oblasti na koje konkuriše".**

Nepotpune i neblagovremene prijave neće se uzimati u razmatranje.

Sve informacije u vezi Konkursa mogu se dobiti kod Sekretara na telefon 033/565-205.